



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

GIREIDI 12

TSHIVENDA LUAMBO LWA HAYANI (HL)

BAMMBIRI LA VHUVHILI (P2)

LARA 2013

MEMORANDAMU

MARAGA: 80

Memorandamu uyu u na masiatari a 24.

**KHETHEKANYO YA A: VHURENDI****VHURENDI HO RANDELWAHO/GUDELWAHO****MBUDZISO 1 (Mbudziso ndapfu)****VHUNGOHO NA VIVHO – TR Ratshitanga**

KHA VHA DZHIELE NZHELE: Vha shumise adendumu iyi khathihi na rubriki i re magumoni a memorandumu uyu.

**KUAVHELWE KWA MARAGA**

Zwi re ngomu : Z= 7 Maraga

Luambo : L= 3 Maraga

**PHINDULO NDAVHELELWA**

Zwifanyiso zwa muhumbulo ndi ndila ine murendi a i shumisa u tama vhurendi hawe uri vhu vhe ho thoswaho/pfumaho nga u shumisa figara dza muambo dzo fhambanaho, sa mametafore, mafanyisi na mamuthufhadzi. Thalutshedzo ya tshirendo ndi zwine tshirendo tsha amba zwone, kana mulaedza une ra u wana kha tshirendo musi ro tshi vhala u bva mathomoni u swika magumoni atsho.

Murendi u bveledza muhumbulo wa uri vhungoho ndi tshithu tshine tshi sa fhenywe nga tshithu naho vhu tshi dzulela u lwa na vivho, fhedzi-ha vivho li dzulela u kundwa nga vhungoho. U bveledza muhumbulo uyu, murendi o shumisa figara dza muambo dzi tevhelaho:

Kha vese/mutaladzi 1, murendi u shumisa limetafore 'Vhungoho na vivho ndi tshimange na mbevha.' Murendi hafha u khou amba uri vhungoho na vivho ndi zwithu zwine zwi sa andane na luthihi.

Vese/mutaladzi 2, murendi u shumisa liambele 'Nge zwothe mulilo zwi sa okelani' Hezwi zwi amba uri vhungoho (zwivhuya) na vivho (vhuvhi) a zwi andani/thusani.

Kha vese/mutaladzi 3, ho shumiswa limetafore na lifanyamuthu 'Vivho ndi vhulada, vhungoho ha amba la revha,' Zwi amba uri vivho li a vhaisa fhedzi-ha na u vhaisa halo, vhungoho ha amba li fhelelwa nga vhuhali.

Vese/mutaladzi 5, limethafore 'Mutshilitshili wa vivho ndi vhutsilu,' Hezwi zwi amba uri vivho tshalo lo ditika nga zwi sa vhuedzi/u sa thanya.

Vese/mutaladzi 7, lifanyamuthu 'Tsha vivho ndi u gungula na u fara nga mbilu'. Wa vivho tshawe ndi u dzulela u vhilahela na u vhenga vhanwe, izwo iteli zwi zwone zwiito zwi tambudzaho vathu vhavhi/vha vivho.

Vese/mutadzi 8, lifanyisi/lifanyamuthu, 'Ngeno vhungoho vhu tshi li hada sa khwivho.' Murendi u fanyisa u kunda ha vhungoho vhu tshi kunda vivho u fana na musu muthu a tshi hada khwivho.

Vese/mutaladzi 9, limethafore 'Mudzia u vhivha hothe ndi mulambilu,' Muthu a vhangaho zwithu zwothe u dzula a si na mutakalo.

Kha vese/mutaladzi 13, limetafore 'Vhungoho ndi tshiphiri tsho vhumbaho muthu na shango'. Vhungoho a hu na ane a nga vhu talukanya vhunga sa tsiko ine ya kondela muthu u i pfesesa.

Vese/mutaladzi 18, 'limethafore 'Vhunga tshira tshau ndi hone vhutsilu.' Zwi amba uri muthu zwi mu vhaishaho ndi u sa thanya.

Murendi o kona u shumisa zwifanyiso zwa muhumbulo nga ndila i fushaho lune zwa kona u tutuwedza thalutshedzo ya tshirendo.

[10]

## MBUDZISO 2 (Mbudziso pfufhi)

- 2.1 'Nzanyo'.√ (1)
- 2.2 U tama u tsireledzea vhukuma kha zwivhi zwa shango/malwadze a lino shango.√ (1)
- 2.3 Ndi wa u tshila a tshi ila zwivhi zwine a tangana nazwo vhutshiloni uri a vhe na muvhili wo takalaho.√√ (2)
- 2.4 Hai, u tama a tshi tsireledzea kha zwivhulahi zwa vhutshilo/U tama u diilisa kha zwivhi zwa lino shango.√√ (2)
- 2.5 Lifanyisi √ : u fanyisa u tata vhuvhi kha vhutshilo have u fana na u iliswa ha mudzadze ane a kha di bva u beba kha zwithu zwinzhi.√ (2)
- 2.6 Ee √, ngauri vhutshilo ho dala zwithu zwo fhambanaho zwine wa sa diilisa khazwo zwi fhedza zwo u vhulaha/zwo u shela malwadze.√ (2)

[10]

## MBUDZISO 3 (Mbudziso pfufhi)

- 3.1 'Mutwa'.√ (1)
- 3.2 Vha thakha muthu khole, zwi siho khavho ngauri zwi vha zwi siho mbiluni dzavho.√ (kana zwiwewho zwi tendiseaho) (1)
- 3.3 Ndi wa u thanyela vhathu vha daho kha rihe vha tshi nga vha a ri funa ngeno zwi siho khavho hu u toda u ri dzhenisa khomboni.√√ (2)

- 3.4 Ee ✓, ngauri ipfi 'zwimunguni' li d̂isa tshifanyiso tsha u kungela muthu zwiliwani hu u t̂oda u mu dzhenisa milingoni/khakhathini/khomboni. ✓ (2)
- 3.5 Lifanyisi ✓ – U fanyisa u halifha ha muthu a sa t̂odiho u dzheniswa khomboni sa mbed̂a ya vhuhali musi yo diniwa/levhelwa. ✓ (2)
- 3.6 Ee ✓, ngauri vhutshiloni ho d̂ala vhathu vha d̂aho kha rine vha tshi nga vha a ri funa, ngeno zwi siho khavho, hu u t̂odou ri vhulaha/u ri dzhenisa milingoni (kana zwiñwevho zwi tendiseaho). ✓ (2)
- [10]

#### MBUDZISO 4 (Mbudziso pfufhi)

- 4.1 'Khuba'. ✓ (1)
- 4.2 Uri ha tshe na nungo dze a vha e nadzo kale a sa athu farwa nga dwadze tshifu. ✓ (1)
- 4.3 Ndi wa uri dwadzetshifu (HIV/Aids) li tambudza muthu nga nd̂ila i vhavhaho vhukuma lune zwa vho pfisa vhuṭungu. ✓✓ (2)
- 4.4 Hai, wo vha u tshi ofhisa ngauri ri pfa u pfi wo shanduka tshiguru. ✓✓ (2)
- 4.5 Ndi liedzamuthu/lifanyamuthu ngauri vhutshilo a vhu fi hu fa muthu. ✓✓ (2)
- 4.6 Ee, ngauri u a onda a fhelela sa tshisibe, a sala a si tshe na na nungo, sa zwine ra zwi vhona kha vhathu vha tambudzwaho nga dwadze ili/U shaya kana u fhelelwa nga mutakalo. ✓✓ (2)
- [10]

**VHURENDI VHU SONGO GUDELWAHO/RANDELWAHO****MBUDZISO 5 (Mbudziso ndapfu)****KHA KHOMISHINI YA VHUNGOHO NA VHUPFUMEDZANI (TRC): LR Ndhlovu**

KHA VHA DZHIELE NZHELE: Vha shumise adendamu iyi khathihi na rubriki i re magumoni a memorandumu uyu.

**KUAVHELWE KWA MARAGA**

Zwi re ngomu : Z= 7 Maraga

Luambo : L= 3 Maraga

**PHINDULO NDAVHELELWA**

Zwiga zwa u vhala ndi zwiga zwine murendi a zwi shumisa kha mitaladzi/vese tshirendoni tshawe u vhekanya mihumbulo, khathihi na u bveledza thalutshedzo ya tshirendo. Zwiga hezwi zwi dovha hafhu zwa langa mutevhetsindo wa tshirendo ra vho kona u pfesesa thalutshedzo, vhudipfi na thouni ya itsho tshirendo. Zwiwe zwa zwiga ndi tshithoma (.), tshivhudzisi (?), khoma (.), tshigarukela (!), semi-kholoni(;), na zwiwe.

Thalutshedzo ya tshirendo ndi zwine tshirendo tsha amba zwone.

Kha tshirando itshi murendi o shumisa zwiga zwi tevhelaho u bvisela khagala thalutshedzo:

- Kha mutaladzi/vese 1, ho shumiswa tshivhudzisi u vhudzisa mbudziso i sa todi phindulo. Murendi u toda u divha zwine Khomishini ya Vhungoho na Vhupfumedzani ya vha zwone; u khou itela Khomishini khaedu ya uri mushumo mungafha i do u kona naa?
- Kha mutaladzi/vese 4, murendi o shumisa tshithoma u vhina muhumbulo wa u sumbedza uri TRC i na vhungoho vhu sa solisei na u sa kombama-kombama.
- Mutaladzi/vese 5, ho shumiswa tshivhudzisi u vhudzisa mbudziso i sa todi phindulo. Murendi na hanefha u toda u divha uri Khomishini ya Vhungoho na Vhupfumedzani yone ine yo tou itisa hani. Vhuvha hayo ndi vhufhio? Hone i na maanda a u bvisela ngoho khagala? Murendi u a timatima.
- Kha mutaladzi/vese 8, murendi u shumisa khoma vhukati ha mutaladzi u vhumba khesura (u awedza muvhali uri a kone u bvela phanda na muhumbulo muswa wa u bvela khagala ha u farelana). Mafheloni a vese/mutaladzi wonoyu, murendi u shumisa tshithoma u vhina mihumbulo ya zwe Khomishini ya Vhungoho na Vhupfumedzani ya ita zwone.
- Kha mutaladzi/vese 10, murendi u shumisa khoma u sumbedza uri muhumbulo a wo ngo fhelela/khunyelela vhunga vhaiwe vhathu vho kundelwa u bvisela khagala zwiphiri zwavho phanda ha Khomishini heyi.
- Mutaladzi/vese 12, murendi o shumisa khoma u sumbedza uri muhumbulo wa uri Khomishini heyi yo tana/bvisela khagala vhathu zwi tshi ya nga vhuhulu havho a wo ngo fhelela – hu tshe na zwinzhi zwo dzumbamaho.

- Kha mutaladzi/vese 13, murendi o shumisa tshithoma u vhina mihumbulo ya uri naho vhaṱwe vha songo bvisela khagala zwiphiri zwavho na u ṱanwa ha vhathu nga Khomishini zwi tshi ya nga vhuhulu ha vhathu, vhoṱhe vha ḑo bviselwa khagala buguni ya ngoho/bivhilini.

Murendi o kona u shumisa zwiga zwa u vhala nga ṱdila ine zwa ṱutuwedza ṱhalutshedzo ya tshirendo itshi – ngoho i a konḑa u bviselwa khagala, hone yone i tshi vhoḑholola na u pfumedzanya vhathu.

[10]

### MBUDZISO 6 (Mbudziso pfufhi)

- 6.1 - Vese 2, 'Vhungoho vhu shayaho vhuṱudzeṱudze.√√  
- Vese 3, Vhungoho ha ṅayo dzi si na mapeta'.√√ (nthihi ya dzenedzi) (2)
- 6.2 Hai. Mutaladzi/vese 10: 'Naho vhaṱwe zwavho zwiphiri vho loḑela', u amba uri vhaṱwe a vho ngo amba ngoho kana zwiphiri zwavho.√√ (2)
- 6.3 Ndi wa uri TRC yo ṱasulula/ṱana vhuḑa ha bvela khagala naho hu na ndingedzo dza u vhu ḑzumbamisiwa/thithiedza.√√ (2)
- 6.4 Liedzamuthu/ṱifanyamuthu ngauri 'vhungoho na vhupfumedzani' vhu khou ḑzhiiwa sa muthu a tshilaho nahone zwi vho ambadzwa zwiito zwi fanaho na zwa muthu.√√ (2)
- 6.5 Ee, ngauri TRC yo bvisela khagala vhuḑa he ha vha ho dzumbamiswa kha muvhuso wa tshiṱalula, ya dovha ya ita uri vhathu vha tshaka dzo fhambanaho vha konane/naho vhaṱwe vhathu vha tshi kha ḑi hanelela kha u dzumba ngoho heyi.√√ (2)

[10]

**ṱHANGANYELO YA KHETHEKANYO IYI YA A: 30**

**KHETHEKANYO YA B: NGANEA****MBUDZISO 7 (Mbudziso ndapfu)*****TSHI DO LILWA* – NE Phaswana**

KHA VHA DZHIELE NZHELE: Vha shumise adendamu iyi khathihi na rubriki i re magumoni a memorandum uyu.

Maraga dza tshivhumbeo na luambo dzi avhelwe nga ndila i tevhelaho:

- Arali e kha khoudu 6–7 (11 – 15) u wana maraga 4
- Arali e kha khoudu 4–5 (8 – 10) u wana maraga 3
- Arali e kha khoudu 1- 3 (1 – 7) u wana maraga 2

**ADENDAMU****PHINDULO NDAVHELELWA****Marangaphanda**

Thero ndi zwine muniwali a vha a khou rera nga hazwo kana muhumbulo muhulwane wa mafhungo buguni. Ri i wana musu ro vhala mafhungo a bugu u bva mathomoni u swika i tshi fhela/ngeletshedzo ine muniwali a toudou swikisela vhavhali yone nga mafhungo awe buguni.

**Mutumbu**

Thero ya nganea iyi ndi ya uri vuhovheleli ho kalulesaho na vhugevhenga zwi a wedza muthu khomboni. Mafhungoni haya ri pfa nga ha magevhenga Vho-Luvhone, Vho-Emeli na khonani dza Dzhalagoma vho wanululwa lune u dzumbama khavho a zwi tsha konadzea. Dzhalagoma o vha ambulula. Vha vho vhona tsha khwine hu tshi nga vha u tou dinkedzela kha mulayo kana vha tou divhulaha.

- Vho-Emeli ri wana vha na vhumatama ho kalulesaho. Vha funesa zwithu zwa nthesa na zwine na munna wavho vha si kone u zwi swikelela.
- Zwenezwi zwi ita uri mudini hu vhe na zwikolodo zwinzhi.
- Zwikolodo zwenezwi vho vho do balelwa u zwi badela.
- Thundu yavho i lila u rengiswa nga nthani ha u balelwa u badela zwikolodo.
- Vho ya banngani u toda tshede vha fhedza vha songo i wana.
- U vhona zwo ralo vha ya ha Luambo vhe vha dzhena nae tshikolo ane a vha ramabindu zwa di fhedza zwi tshi sea zwi tshi tanama.
- Musi vha tshi vhona zwithu zwi tshi khou konda, Vho-Luvhone vha toda thuso ya masheleni kha murathu wavho Dzhalagoma wa ligevhenga.
- Thuso iyo vha i lifha nga u didzhenisa kha zwa vhugevhenga. Vho-Emeli vha rengisa mbanzhe Yunivesithi ya Venda ngeno munna wavho Vho-Luvhone vha tshi reilela magevhenga a tshi ya u hamboka.

- Bindu livhi la Vho-Emeli lo do tshimbila zwavhuḍi, na masheleni a tshi khou dzhenā e manzhi, fhedzi vha ḍi balelwa u badela zwikolodo.
- Tshiimo mudini wa ha Nethulwe tsha shanduka. Vha thoma u tshila vhutshilo ha nthesa nga ḱwambo wa masheleni a dzhenaho nga zwiito zwo vhihaho.
- Naho zwo ralo a vho ngo fushea nga masheleni, vho ḍi ṱoda zwa nthā; zwikolodo zwa ḍi nana zwi tshi ya.
- Vho-Luvhone vho humbula u litsha mushumo nga u vhona kushumo kwavho kwa vhugevhenga ku tshi vha dzhenisela masheleni.
- Vho-Emeli vha waniwa nga mapholisa vha tshi khou rengisa zwidzidzivhadzi Yunivesithi ya Venda vha vha fara, fhedzi vho fhedza vho rengululwa vha bva dzhele.
- Dzhalagoma na khonani dzawe vha ya khonferentsini Makwarela u ya u tangula goloi dza vhathu na tshelede ya munikelo.
- Dzhalagoma u dzhenwa nga muya wa Mudzimu a ambulula vhuvhi hothe he a vhu ita na khonani dzawe.
- Tshiphiri zwino tsha mbo bvela khagala: Magevhenga a wanululwa.
- Vha a farwa vha valelwa khothoni ngeno Dzhalagoma o vha thanzi ya muvhuso.
- Vhutamatama ha zwithu zwa nthesa na vhugevhenga vhu fhedza ho dzhenisa khomboni Vho-Emeli na Vho-Luvhone.

### Mapendelo

Muiwali o kona u bveledza thero ya nganea iyi nga ḱdila i fushaho. Nangoho vhugevhenga a vhu yi thambo, a vhu vhuedzi tshaho.

[25]

### MBUDZISO 8 (Mbudziso pfufhi)

#### *TSHI DO LILWA* – NE Phaswana

- 8.1 Vho ya u ṱoda thuso ya tshelede banngani/Vho ya u ṱoda thuso ya tshelede kha Luambo ane a vha ramabindu/na u ṱoda thuso kha murathu wavho Dzhalagoma (mbili fhedzi).√√ (2)
- 8.2 Vho tendela Vho-Emeli vha tshi vha dzhenisa kha milandi/zwikolodo nga u vha funesa zwithu zwa nthesa.√√ (2)
- 8.3 Ndi murathu na mukomana/Vho-Luvhone ndi mukomana wa Dzhalagoma.√√ (2)
- 8.4 Muiwali u khou bvisela khagala uri vhugevhenga na vuhovheleli a zwi vhuedzi tshazwo/Vhathu kha ri fushee nga zwine ra vha nazwo.√√ (kana zwiḱwevho zwi pfalaho.) (2)



- 8.5 - Vha la na mapholisa/mafogisi.✓  
- Vha shumisana na vhoramilayo.✓ (2)
- 8.6 - Vhuvhili havho vha na muya wa vhugevhenga/vhutshinyi/vhutswotswi. ✓  
- Vhuvhili havho vha funesa tshelede i daho nga ndila mmbi.✓ (2)
- 8.7 Vho vha vha tshi khou humbula uri vha do wana tshelede nnzhi vha pfuma na u kona u badela zwikolodo/u itela u takadza mufumakadzi wavho.✓✓ (2)
- 8.8 Ndi nge a pfa ndivhadzo ya Karios Ministries kha radio i tshi khou ramba vhathu vhothe uri vha de thabeloni, ene a delwa nga muhumbulo wa u ya u homboka tshelede ya munikelo na u tswa dzigoloi dza vha re kerekeni.✓✓ (2)
- 8.9 Vho farwa vha valelwa tshitokisini.✓ (1)
- 8.10 - U a kola nge a dzima Vho-Luvhone tshelede, fhedzi a vho ya a tshi vho toda u renga thundu dzavho musi dzi tshi khou todou dzhiiwa dza rengiswa nga vhang la zwikolodo.✓  
- U dovha a vha goswi ngauri o ri u vhona Vho-Luvhone vho halifha, a shavha nga luvhilo.✓ (2)
- 8.11 C/ Vho vha vha tshi divhiwa nga vhathu vhanzhi.✓ (1)
- 8.12 Hai, a vhu pfali. Vho-Emeli ndi vhone vho dzhenisaho munna wavho zwikolodoni nga vhutamatama havho ha madzanga ho kalulaho/ Mufumakadzi u tea u thusa u disa tshirunzi na thonifho mutani.✓✓ (kana zwinwevho zwi pfalaho). (2)
- 8.13 Ndo vha ndi tshi do tangedza tshigwevho tshinwe na tshinwe tshine nda do newa tshone tsha vhutshinyi he nda vhu ita/Ndo vha ndi si tsha do dovha nda didzhenisa kha vhugevhenga.✓✓ (kana zwinwe zwi pfalaho). (3)[25]

## MBUDZISO 9 (Mbuziso ndapfu)

### BULAYO LO TALIFHAHO – AW Magau

KHA VHA DZHIELE NZHELE: Vha shumise adendumu iyi khathihi na rubriki i re magumoni a memorandum uyu.

### KUAVHELWE KWA MARAGA

Maraga dza tshivhumbeo na luambo dzi avhelwe nga ndila i tevhelaho:

- Arali e kha khoudu 6–7( 11 – 15) u wana maraga 4
- Arali e kha khoudu 4–5 ( 8 – 1) u wana maraga 3
- Arali e kha khoudu 1- 3 ( 1 – 7) u wana maraga 2

**PHINDULO NDAVHELELWA****Marangaphanda**

Thero ndi zwine muniwali a vha a khou rera nga hazwo kana muhumbulo muhulwane wa mafhungo buguni. Ri i wana musu ro vhala mafhungo a bugu u bva mathomoni u swika i tshi fhela/ngeletshedzo ine muniwali a todou swikisela vhavhali yone nga mafhungo awe buguni.

**Mutumbu**

Thero ya nganea iyi i sumbedza uri vivho na vengo zwi fhedza zwo wedza muthu khomboni. Afha kha tshipida itshi tsha mafhungo ri pfa Vhamusanda Vho-Mphaga vha tshi khou amba na vhathu nga duvha la guvhangano nga murahu ha musu ho wanululwa vhatovholi vha Vho-Lugisani vhe vha vha vha tshi khou vhang dzikhakhathi Dovhoni.

Ri wana uri vhavenda Vho-Mandiwana, Vhamusanda Vho-Mukhotho na vhafunzi Vho-Mamidze vha na vengo na vivho kha Vho-Lugisani zwe zwa ita uri vha dzulele u vha tovholi.

- Hezwi zwi vholala khoroni musu hu tshi khou sengiswa milandu, Vho-lugisani vha imelela ngoho.
- Vho-Lugisani vha imelela ngoho fhedzi na u lusa u disa mvelaphanda shangoni.
- Musu hu tshi khou sengerwa mulandu wa Sandani Mawelewele zwo ita uri Vho-Mandiwana na Vho-Mukhotho vha vha vhenge ngauri vha khou thithisa mulu wavho khoroni.
- Vho-Lugisani vho dovha vha vhengetwa tsho ye vha i dzhia kha mulandu wa Tshikweta we a ri o fhiselwa mudzi nga Khumela Rabambukwa, vhone vha ri ndi ene mune.
- Ri wana vha tshi vhengetwa hafhu u hana mitambo ya zwa sialala, vhone vha dzhenisa na ya musalauno.
- Vho-Mamidze vho vha na vengo kha Vho-Lugisani nge vha ri kha vha farele/hangwele Phundulu we a vha sukumedzela tshaloni tsha Muanalo.
- Vho-Mamidze vho dovha hafhu vha vha na vengo kha Vho-Lugisani kha uri Vho-Mariya ndi vhone vho lumaho Vho-Mmbi, hu si mmbwa Maphangule.
- Vengo na vivho zwa Vho-Mamidze na lugwada lwavho kha Vho-Lugisani zwi ita uri vha vha pulanele u tou vha nyelisa/bwela khunda.
- Vho-Lugisani vha lugiselwa tshiganame tsho shelwaho halwani uri vha nwe vha fe, ha vho fhedza ho nwiwa nga Bidzha a fhedza a lovha.
- Vha itisa uri Vho-Lugisani vha pfuluswe Tshiozwi vha ye Dovhoni.
- Vhafunzi Vho-Mamidze vha riwalisa luriwalo Tshammbenga lwa nga lwo riwalwa nga Vho-Lugisani, lu lwa u vhanga vuhosi ha Dovhoni.
- Hezwi zwi lutanya Vho-Lugisani, Vho-Mphaga na Vho-Nyamalwela Singo.
- Vho-Lugisani vha vhulahlwa riwana Mukandangalwo nga Tshammbenga na khonani dzawe.

- Tshambenga u a farwa a ambulula tshiphiri tshothe.
- Vhamusanda Vho-Mphaga vha ita guvhangano lihulu li si na tsaleli, li la u pfufha Vho-Lugisani na u pandela vhatovholi vhavho vhothe shangoni. Na ngoho zwa ralo.
- Vengo, vivho na vhumbulu zwe Vho-Mandiwana, Vho-Mukhotho na Vho-Mamidze vha zwi itela Vho-Lugisani zwo fhedza zwo vha pandelisa mishumoni ye vha vha vhe khayi khathihi na shangoni.

### Mapendelo

Munwali o kona u bveledza thero ya nganea iyi nga ndila i fushaho – vivho, vhutshivha na vhumbulu linwe duvha zwi la iwe mune wazwo.

[25]

### MBUDZISO 10 (Mbudziso pfufhi)

#### *BULAYO LO TALIFHAHO* – AW Magau

- 10.1 - Vho amba mafhungo a u tamba bola.✓  
- Vha gudisa vhatukana u reila goloi.✓ (2)
- 10.2 Ndi ngauri vha divha uri vho vha vho vha renga nga rannda dza fumbili vha tshi itela uri Vho-Rabambukwa vha vhone mulandu. ✓✓ (2)
- 10.3 Ndi likhotsimunene la Vho-Mphaga/Vhamusanda/musanda.✓✓ (2)
- 10.4 Vha fana ngauri vhothe vha na vengo kha Vho-Lugisani na u vha na tshimbevha.✓✓ (2)
- 10.5 - Ndi u imelela vha si na mulandu .✓  
- U amba ngoho.✓  
- Ndi u toda mvelaphanda shangoni.✓ (mbili dza dzenedzo) (2)
- 10.6 Ndi wa u sumbedza uri vivho na vengo zwi a wedza khomboni/a zwi vhuedzi tshithu.✓✓ (2)
- 10.7 Kwo vha kwa uri Vho-Lugisani vha khou ita uri tshelede i songo dzhena khoroni.✓✓ (2)
- 10.8 Ndi nge vha sukumedzelwa tshaloni tsha Muana lo nga Phundulu.✓✓ (2)
- 10.9 Vhothe vho pandelwa shangoni na zwiimoni zwavho.✓ (1)
- 10.10 Vho-Sam Mamidze vho bvukululwa sa muthu ane a vha na tshituhu a sa vhavhaleli muthu.✓✓ (2)
- 10.11 B/U pengisa Vho-Lugisani.✓ (1)

- 10.12 Ee, zwi a pfala ngauri muthu muniwe na muniwe u a hagala musi a tshi xeledwa nga zwivhuya, a vho yo toda thuso huniwe fhethu sa zwe Vho-Nyamalwela Singo vha ita zwone vha tshi shavhela ha khaladzi avho Vho-Magekha.√√ (phindulo iniwe na iniwe i pfalaho/tendiseaho). (2)
- 10.13 - Arali ndo vhulahlwa niwana ndo vha ndi tshi do vhiga mulandu mapholisani uri vhavhulahi vha farwe.  
 - Arali ndi tshi vhengelwa ngoho ndo vha ndi tshi do isa phanda na u tshila ndi ngohoni ndi sa tendi mazwifhi.  
 - Musi ndi tshi pomokiwa vhukhaxhi he nda si ite ndo vha ndi tshi do hana naho zwi tshi amba u do dzhielwa zwine nda vha nazwo kana u tambudzwa.√√√ (Kana zwiiniwevho zwi pfalaho). Tshithihi tsha zwenezwo na thikhedzo. (3)  
 [25]

## MBUDZISO 11 (Mbudziso ndapfu)

### MAFELADAMBWA – NE Sigogo

KHA VHA DZHIELE NZHELE: Vha shumise adendumu iyi khathihi na rubriki i re magumoni a memorandumu uyu.

### KUAVHELWE KWA MARAGA

Maraga dza tshivhumbeo na luambo dzi avhelwe nga ndila i tevhelaho:

- Arali e kha khoudu 6–7 (11 – 15) u wana maraga 4
- Arali e kha khoudu 4–5 (8 – 10) u wana maraga 3
- Arali e kha khoudu 1–3 (1 – 7) u wana maraga 2

### PHINDULO NDAVHELELWA

#### Marangaphanda

Thero ndi zwine muniwali a vha a khou rera nga hazwo kana muhumbulo muhulwane wa mafhungo buguni. Ri i wana musi ro vhala mafhungo a bugu u bva mathomoni u swika i tshi fhela/ ngeletshedzo ine muniwali a toda swikisela vhavhali nga mafhungo awe buguni.

#### Mutumbu

Thero ndi ya uri muthu ha ngo tea u sokou welawela zwithu nga ntha zwine a sa vhe na vhumanzi nazwo ngauri zwi fhedza zwo mu dzhenisa khomboni.

Mafhungoni haya Vho-Maemu na khonani yavho Vho-Sara vha khou amba nga ha Mawela ane Vho-Maemu vha sumbedza uri o thanya tshikoloni, ngeno mme awe Vho-Sara vha sa imi nazwo; vha ri u dinwa nga u sokou welawela mafhungo ane a si a divhe.

- Mawela ri wana a tshi sokou welawela zwithu.
- Ri pfa mme awe vha tshi ri n̄wana wavho vha a muḁivha u sokou welawela zwithu musi vha tshi khou amba na khonanin yavho Vho-Sara.
- U tenda u dzhena kha dzikomiti dza yunivesithi ngeno a tshe kha n̄waha wa u thoma.
- U vhona thevhe garatshini, atsina ngomu hu na mmbwa yo faho ine ya khou nukha, fhedzi zwi a mangadza a tshi dovha a tendelana na mme awe na makhadzi kha fhungo la n̄anga Vho-Muraga la uri a si mmbwa ndi phele.
- U dovha hafhu a tenda uri mmbwa iyo yo vha i songo fa, yo tou ḁifisa naho o pfa munukho a vhona na madunzi.
- U tokonya makhadzi uri vho vha vho ya ngafhi musi vho bva vho ya u vhonisa ha n̄anga Vho-Muraga; izwi ho vha u ṱoda mafhungo a mawa a ṱangu.
- Naho mme awe vho vha vha sa ṱodi u phula mafhungo a vhuloi, ene o sumbedza u takalela u a pfa, a tshi ri ene ha tsha vha n̄wana.
- Vho-Sara musi vha tshi ri Vho-Maemu ndi vhone vhe vha ri vhaiwe vha ḁo shumelwa hu si kale, Mawela o ḁo sumbedza u ofha na u ṱoda u divhesesa.
- U ḁidzhenisa tshothe kha zwa vhutendatenda ha zwa vhuloi.
- U n̄walela luṱwalo Tshisamphiri a tshi mu vhudza uri ha nga ḁeli Khushumusi hayani ngauri u ḁo vha o itela Vho-Maemu zwi songo ḁaho.
- Mafhungo aya a swika nḁevheni dza Tshimangadzo a sinyuwa zwihulu lwe a swika a tshi vhudza mme awe.
- Mawela u ṱoda makhomureidi a u mu thusa u fhisa muḁi wa ha L̄ialama musi vho eḁela uri vha swele ngomu.
- Vho-L̄ialama vha mu fara vha muvalela nḁuni a fhedza a tshi ḁa a ṱolwa nga vhathu.
- U farwa a tshi khou ṱoda u fhisa muḁi wa Vho-Maemu nga piṱirolo.
- U fhedza o farwa nga mapholisa.
- Ugwevhelwa milandu yawe miraru na u dzula dzhele lwa min̄waha ya fumbilimbili hu si na faini.

### Mapendelo

Muṱwali o kona u bveledza thero ya nganea iyi nga n̄dila i fushaho – vhutenda tenda kha zwa vhuloi na u sokou ḁidzhenisa kha zwithu zwi sa u kwami zwi vhangela muthu mafhanza a vho dzhena milingoni.

[25]

### MBUDZISO 12 (Mbudziso pfufhi)

#### MAFELADAMBWA – NE Sigogo

- 12.1 - U fariwa ha n̄wana wavho Mawela.✓  
- U fhelelwa nga tshikolo/vhumatshelo ha Mawela.✓ (2)
- 12.2 Vha khou ṱoda uri a vhoḁhololwe ngauri ndi vhone vho zwi itisaho uri a farwe.✓✓ (2)
- 12.3 Vho-Maṱodzi ndi khaladzi a Vho-Ramasunzi/Ndi khaladzi na khaladzi.✓✓ (2)

Vhune ha khandiso iyi ho vhaledzwa

Iyani kha siatari li tevhelaho

- 12.4 Vhothe vha na vhutendatenda kha zwa vhuloi, ha itea tshithu mudini tshi songo dowealeho vha tenda kha uri tsho itwa nga muloi/vhaloi. √√ (2)
- 12.5 - U konesa ha Mawela tshikoloni.√  
- Vhutshivha ha uri vha do tavhanya vha shumelwa nga niwana.√  
- U thavhiwa ha Ailwei nga mupfa wa mukavhavhe.√ (2)
- 12.6 Vhathu kha vha litshe u sokou dzhenelela kha mafhungo ane vha si a divhe ngauri zwi fhedza zwo vha wedza khomboni. √√ (2)
- 12.7 Vho-Ramasunzi vhone vho zwi vhona sa zwithu zwi si na tshinwe nga ngomu/zwi songo itwaho nga muloi/A vha tendi kha zwa vhuloi.√√ (2)
- 12.8 Vho pfa u pfi khaladzi avho Vho-Ramasunzi vho lala vho fhandwa nga libwa lo sinaho.√√ (2)
- 12.9 O fariwa a fhedza o fhelelwa nga vhumatshelo.√ (1)
- 12.10 Muthu a tendaho kha Mudzimu, a sa funi dzikhakhathi, nahone muthu a sa sokou tendatenda kha zwithu zwine a sa zwi divhe/zwa vhuloi.√√ (2)
- 12.11 C/Vho-Matodzi na Vho-Sara vho lila nga maanda.√ (1)
- 12.12 A vhu pfali ngauri vha a lutanya, vha amba mafhungo a songo teaho niwana Mawela e henefho.√√ (2)
- 12.13 Ndo vha ndi tshi do humbela pfarelo nda sa tsha dovha u didzhenisa kha mafhungo a sa nkwami, vhutendatenda kha zwa vhuloi na u tenda limuya la vhugevhenga ha u vhulaya li tshi ndzhena/Ndo vha ndi tshi do shandukisa kutshilele kwanga nda sedza vhutshilo nga ito la vhutali/lo tshaho ndi tshi itela vhumatshelo hanga. (kana zwiinwevho zwi tendiseaho/pfalaho). √√√ (3)

**THANGANYELO YA KHETHEKANYO IYI YA B: 25**

**KHETHEKANYO YA C: DIRAMA****MBUDZISO 13 (Mbudziso ndapfu)*****HA U TSA NDI HA U GONYA*** – LL Mafenya, NA Milubi***VHA DILINDE*** – NA Milubi

KHA VHA DZHIELE NZHELE: Vha shumise adendamu iyi khathihi na rubriki i re magumoni a memorandum uyu.

**KUAVHELWE KWA MARAGA**

Maraga dza tshivhumbeo na luambo dzi avhelwe nga ndila i tevhelaho:

- Arali e kha khoudu 6–7 (11 – 15) u wana maraga 4
- Arali e kha khoudu 4–5 (8 – 10) u wana maraga 3
- Arali e kha khoudu 1–3 (1 – 7) u wana maraga 2

**PHINDULO NDAVHELELWA**

Marangaphanda

- Mufhindulano ndi nyambedzano ine ya vha hone vhukati ha vhatambi vha tshi amba nga u sielisana nga tshavho.
- Nyito ndi zwine vhatambi vhenevho vha khou ita zwone kana zwiitei zwi bveledzwaho nga vhatambi afho tshiteidzhini.
- Thero ndi muhumbulo muhulwane une ra u wana buguni u bva i tshi thoma u swika i tshi fhela.

Mutumbu

- Thero ya dirama iyi ndi ya uri vhanna vha tea u fulufhedzea siani la lufuno.
- Hezwi zwi bviselwa khagala nga nyambedzano na nyito dza vhatambi diramani iyi.
- Vho-Funani a vha fulufhedzei siani la lufuno kha mufumakadzi wavho Vho-Thina.
- Hezwi zwi vhonele musu vho ya mutanganoni wa zwa masheleni Pitoti.
- Vho do amba mutanganoni nga ndila yavhudi lwe Wanani a vho pfa a tshi vho vha funa, lune a vho funa na u ita zwa vhudzekani navho.
- Vho do ya restuarenthe ya Superdiner he vha nwa waini zwa ita uri vha vho ita zwa vhudzekani.
- Wanani o do tutuwedziwa nga khonani yawe Kani uri a ise phanda muhumbulo wa u ita zwa vhudzekani na Vho-Funani.
- Vho-Funani vha wela nga thoho vha sa divhi uri Wanani u na AIDS.
- Nga madekwana hodelani ya Waterfront vha ya rumuni vhothe u ita zwa vhudzekani.
- Wanani u bvisa khondomu uri Vho-Funani vha i shumise musu vhe kati na u ita zwa vhudzekani.

- Vho-Funani u vhona izwo, vha vhona u nga Wanani ndi muthu a dithogomelaho vhukuma.
- Hezwi zwo ita uri vha ite zwa vhudzekani vhu songo tsireledzeaho.
- Vha tshi humela hayani mufumakadzi wavho Vho-Thina vha vha vhudzisa uri vho pfa u pfi Wanani ane a vha na AIDS o vha a tshi khou monamona tsini navho. Izwo zwo do tshuwisa Vho-Funani nge vha divha uri vho ita zwa vhudzekani vhu songo tsireledzeaho na Wanani.
- Zwo ita uri Vho-Funani vha mbo di shavhela bungani vha tshi khou ofha uri Wanani a nga vha o vha shata AIDS.
- Hezwi zwothe vho zwi wana nge vha si fulufhedzee kha mufumakadzi wavho siani la lufuno.

### Mapendelo

- Muniwali o kona u bvisela khagala mufhindulano na nyito nga ndila ine zwa fhedza zwo bveledza thero lu fushaho dirama iyi – u sa fhulufhedzea ha vhathu na u sa ditsireledza kha sia la vhudzekani zwi disa masiandaitwa a zwililo na u shenganya mano.

## THANGANYELO YA KHETHEKANYO IYI YA B: 25

### MBUDZISO 14 (Mbudzo pfufhi)

#### HA U TSA NDI HA U GONYA – LL Mafenya na NA Milubi

#### KANI-HA VHA TOU DILWELA – NA Milubi

- 14.1 - Ndi u fariwa ha vhathu vho khakhaho vha fhedza vha bviswa ha pfi vhu<sup>tan</sup>zi a vhu fushi.✓  
 - Ndi musi vhathu vha tshi ita zwine vha funa vha ri ndi demokirasi.✓  
 - Ndi u tambudzwa ha vhafumakadzi na vhana.✓ (zwivhili fhedzi). (2)
- 14.2 Ndi musi vhe ofisini ya vhashumelavhapo vha tshi khou nwa tie.✓✓ (2)
- 14.3 Zwi yelana ngauri hothe vhathu vho khakhaho vha khou newa beili kana vha bviswa nge ha pfi vhu<sup>tan</sup>zi a vhu fushi – ndi ngazwo vha tshi khou tereka/gwalaba.✓✓ (2)
- 14.4 Vha fana kha la uri vhothe vha khou ima na muhumbulo wa u sa tenda vkhakhi vha tshi newa beili.✓✓ (2)
- 14.5 Ndi u imbisa vhathu na u livhuwa vhana vha tshikolo vho bvaho nga vhunzhi na u sumbedza uri vhafumakadzi vha tea u vho<sup>th</sup>lowa kha thambulo ine vha vha khayoyi.✓✓ (2)



- 14.6 Ndi wa u lwela u <sup>^</sup>thonifhiwa ha pfanelo dza vhafumakadzi na vhana.√√ (2)
- 14.7 Ndivho ndi ya uri vhathu vha tea u <sup>^</sup>thonifha pfanelo dza vhafumakadzi na vhana.√√ (2)
- 14.8 O huvhadzwa nga vhafumakadzi nga zwihali zwo fhambanaho.√√ (2)
- 14.9 Uri vhafumakadzi a vha <sup>^</sup>todi u khakheliwa, vha khakheliwa na vhone vha a dina/halifha/lifhedza.√√ (2)
- 14.10 Ee, vha tea u farwa vha sa <sup>^</sup>nwe beili <sup>^</sup>nahone vha fhiwe tshigwevho tshi vhone.√√ (2)
- 14.11 Hai/a zwo ngo tea √, zwiito zwo raloho zwo vhifha u itwa vhathuni nahone mulayo u lwa nazwo/A zwi na vhuthu ngomu.√ (2)
- 14.12 Ndi ha u takala uri zwiito zwa u tambudza vhana na vhafumakadzi ndi hone zwi tshi <sup>^</sup>do fhungudzea kana zwa fhela tshothe/ndi u pfela vhutungu vhafumakadzi na vhana vhane a tama uri ngavhe zwine vhagwalabela zwone zwi tshi swika magumoni.√√√ (zwiwe na zwiwe zwi pfalaho/tendiseaho). (3)

## **<sup>^</sup>THANGANYELO YA KHETHEKANYO IYI YA B: 25**

### **MBUDZISO 15 (Mbudziso ndapfu)**

### ***MILOMO YA <sup>^</sup>NUKALA – MP <sup>^</sup>Nefefe***

KHA VHA DZHIELE NZHELE: Vha shumise adendamu iyi khathihi na rubriki i re magumoni a memorandum uyu.

### **KUAVHELWE KWA MARAGA**

Maraga dza tshivhumbeo na luambo dzi avhelwe nga <sup>^</sup>ndila i tevhelaho:

- Arali e kha khoudu 6–7 ( 11- 15) u wana maraga 4
- Arali e kha khoudu 4–5 ( 8 - 10) u wana maraga 3
- Arali e kha khoudu 1- 3 ( 1 - 7) u wana maraga 2

### **ADENDAMU**

### **PHINDULO NDAVHELELWA**

#### **Marangaphanda**

- Mufhindulano ndi nyambedzano ine ya vha hone vhukati ha vhatambi vha tshi amba nga u sielisana nga tshavho.
- Nyito ndi zwine vhatambi vhenevho vha khou ita zwone kana zwiitei zwi itwaho nga vhatambi musi vha tshiteidzhini.

- Thero ndi muhumbulo muhulwane une ra u wana buguni u bva i tshi thoma u swika i tshi fhela.

#### Mutumbu

- Thero ya dirama iyi yo disendeka kha zwa u tambudzwa ha vhana na vhafumakadzi. Muniwali u kaidza vhokhotsi uri kha vha litshe u tambudza vhana na vhafumakadzi ngauri zwi do fhedza zwo vha dzhenisa khomboni.
- Hezwi muniwali u zwi bveledza nga mufhindulano na zwiito zwa vhatambi.
- Vho-Bukuta vha tshi vhuya hayani vha sema Tsumbedzo na u mu rwa nge a si sheledze miri.
- Vho-Takalani vha tshi lingedza u mu lamulela, vha a vha hambekanya na u toda u vha rwa.
- Vha tambudza Ntshengedzeni lwa vhudzekani lufherani lwa u edela.
- Vha mu shushedza nga uri vha do mu vhulaha arali a khakha a zwi vhudza muthu.
- Muofhe khonani yawe u a mu vhudzisa zwine zwa khou mu dina, fhedzi a si ambe a tshi shavha hone u vhulawa nga khotsi awe.
- Vha halifhela Tsumbedzo na u mu semekanya musi vha tshi wana o dzula na mme awe Vho-Takalani na khaladzi Ntshengedzeni; izwi ho vha u shavha uri vha do divha mafhungo avho.
- Vho-Takalani na Tsumbedzo vha lingedza u vhudzisa Ntshengedzeni zwi mu dinaho vha tshi itela u mu thusa, fhedzi zwe vhutoto.
- Vhadededzi vhawe vha lingedza u mu vhudzisa nga ha thaidzo yawe a sokou fhumula nayo.
- Vho-Takalani na Vho-Bukuta vha swika hune vha vhidziwa tshikoloni u tandulula thaidzo ya Ntshengedzeni ine a sa toda u i bula.
- Ntshengedzeni u todou mila mabodelo a difela nga nthani ha thaidzo ine a vha nayo.
- Vhadededzi vha eletshedza Vho-Takalani uri vha ise Ntshengedzeni ha vhashumelavhapo vha do wana thuso hone.
- Mushumelavhapo u vha riwalela luniwalo lwa uri Ntshengedzeni a ye u tolwa nga dokotela, u bva afho vha ye u vhiga mulandu mapholisani.
- Nge Vho-Takalani vha wanulusa uri Ntshengedzeni o vhifha muvhilini, vha swika hayani vha tshi vhudzisa Vho-Bukuta nga ha mafhungo haya.
- Vho-Bukuta vha halifha zwiulu he vha rwa Vho-Takalani nga danda vha fhedza vha vha tumba ntha vha vha likita nga mafeisi.
- Vha fhedza vho waniwa nga mapholisa vha farwa.
- Vho-Bukuta vha sengiselwa milandu yavho mivhili vha fhedza vho gwevhelwa u dzula dzhele lwa vhutshilo havho hothe.
- Hezwi zwo itiswa nge Vho-Bukuta vha tambudza mufumakadzi na vhana lwa tshituhu.

## Mapendelo/Magumo

Muniwali o kona u shumisa mufhindulano na nyito nga ndila ine zwa fhedza zwo bveledza thero lu fushaho dirama iyi – u tambudza vhafumakadzi na vhana zwi dzhenisa vhanna na vhokhotsi thambuloni i sa takuwi.

**THANGANYELO YA KHETHEKANYO IYI YA B: 25****MBUDZISO 16 (Mbudziso pfufhi)****MILOMO YA NUKALA – MP Nefefe**

- 16.1 Vho-Bukuta vho tambudza riwana wavho Ntshengedzeni lwa vhudzekani, vha dovha hafhu vha mu tshinya.✓✓ (2)
- 16.2 Vho eletshedza uri Ntshengedzeni a iswe ha mushumelavhapo u wana thuso hone.✓✓ (2)
- 16.3 Vho-Ratshisuka, sa Vho-Bukuta, vho no di farwa na vhona nga murahu ha musi vho tambudza riwana wavho lwa vhudzekani.✓✓ (2)
- 16.4 Vho-Bukuta vha tshila vha tshi tambudza vhana vhavho na mufumakadzi, ngeno Vho-Takalani vha tshi lingedza u tsireledza vhana vhavho tshifhinga tshothe musi vha tshi vhona zwine Vho-Bukuta vha khou ita.✓✓ (2)
- 16.5 Vho-Bukuta vho ri vha tshi khou sengiswa vha sa divhone mulandu, mutshutshisi a vha vhona mulandu kha u rwa na u tambudza riwana wavho lwa vhudzekani a vha gwevhela u dzula dzhele lwa vhutshilo havho hothe.✓✓ (2)
- 16.6 Ndi wa u sasaladza/u lwa na matudzi a itwaho nga vhokhotsi mitani yavho/vhana vha vhasidzana vha tea u amba arali vhokhotsi avho vha tshi khou tambudzwa lwa vhudzekani✓✓ (2)
- 16.7 Ndi ya uri vhokhotsi kha vha litshe mafhungo a u tambudza vhana na vhafumakadzi.✓✓ (2)
- 16.8 Ntshengedzeni o fhedza o vha na thumbu, a fhedza o fhelelwa nga tshikolo.✓✓ (2)
- 16.9 Vho-Bukuta zwa u fariwa havho nge vha tambudza vhana na mufumakadzi vha tea u zwi kondelela ngauri vho tou diitela.✓✓ (2)
- 16.10 Hai, lwo vha lwo sumbedza uri Ntshengedzeni ndi muthu wa thovhela nga miwedzi mivhili.✓✓ (2)

- 16.11 Zwi sumbedza mufumakadzi wa lufuno a t<sup>h</sup>onifhaho pfanelo dza vhana  
vhawe vhe a tou beba/u beba a si u ka muroh<sup>o</sup>.√√ (2)
- 16.12 Ndi pfa ndi songo takala/ndi pfa vhu<sup>t</sup>ungu musi Ntshengedzeni a tshi  
tambudziwa lwa vhudzekani nga khotsi awe ngauri ndi vhone vhane vha tea  
u mu tsireledza. √√√ (kana zwi<sup>n</sup>wevho zwi pfalaho). (3)

**T<sup>h</sup>HANGANYELO YA KHETHEKANYO IYI YA C: 25**  
**MARAGAGU<sup>t</sup>TE: 80**

## RUBRIKI YA U TOLA/MAKA MBUDZISO NDAPFU KHA VHURENDI

KHOUDU	7 Vhuswikeleli ha nthesa  80–100%	6 Vhuswikeleli ha ntha  70–79%	5 Vhuswikeleli ho dziaho  60–69%	4 Vhuswikeleli vhu fushaho  50–59%	3 Vhuswikeleli ho linganelaho  40–49%	2 Vhuswikeleli ha fhasi  30–39%	1 U sa swikelela  0–29%
<b>Zwi re ngomu na luambo</b>	<p>-U talutshedza thoho lwa vhudzivha, zwipida zwothe zwo kwamiwa lu fushaho.</p> <p>-Phindulo yo vhwahalo lwa ntha nthesa: 90%+. Phindulo yo vhwahalo lwa nthesa: 80 – 89%.</p> <p>-Mihumbulo minzhi yo dziaho i khou tandavhudzwa ya tikedzwa u bva kha tshirendo.</p> <p>-U pfesesa lwa nthesa kha lushaka holwu lwa manwalwa na tshirendo.</p> <p>-Mafhungo a re na ndunzhendunzhe.</p> <p>-Mathomo na magumo zwa nthesa.</p> <p>-Mihumbulo yo vhekanywa na u fhatwa zwavhuḏi.</p> <p>-Luambo, khalo na tshitaila zwo vhibvaho, zwi nyanyulaho, zwo lulamaho.</p>	<p>-U talutshedza thoho lu re ntha ha ndinganyo, zwipida zwothe zwo kwamiwa lu vhuedzaho.</p> <p>-Phindulo yo fhelelaho.</p> <p>-Mihumbulo minzhi i pfalaho yo newa, ya tikedzwa zwavhuḏi u bva tshirendoni.</p> <p>-U pfesesa havhuḏisa ha lushaka lwa manwalwa na tshirendo.</p> <p>-Phindulo yo dzudzanywa zwavhuḏi.</p> <p>-Mathomo na magumo zwavhuḏi.</p> <p>-Mafhungo na kuhumbulele zwi a tevhea nga vhulelu.</p> <p>-Luambo, khalo na tshitaila zwo lulamaho nahone zwo teaho ndivho.</p> <p>-Likumedzwa lavhuḏi.</p>	<p>-U sumbedza u pfesesa ho khetheaho nahone o talutshedza thoho zwavhuḏi.</p> <p>-Phindulo i no di pfala yo newa.</p> <p>-Miriwe mihumbulo i pfalaho yo newa, hone i si yotho nahone i songo tikedzwa nga ndila yo lavhelelwaho.</p> <p>-Hu na tsumbo ya u pfesesa lushaka lwa manwalwa na tshirendo.</p> <p>-Tshivhumbeo tshi re khagala na nyelelo ya mafhungo a pfalaho.</p> <p>-Marangaphanda na magumo na dziinwe phara zwo dzudzanywa hu na ndunzhendunzhe.</p> <p>-Nyelelo ya phindulo i a kona u tevhelea.</p> <p>-Luambo, khalo na tshitaila hunzhi zwo lulama.</p>	<p>-U talutshedza thoho lwa khwine a hu ngo kwamiwa zwipida zwothe nga vhudalo.</p> <p>-Hu na dziinwe mbuno dzavhuḏi dzi tikedzaho thoho.</p> <p>-Vhunzhi ha mafhungo o tikedzwa, fhedzi kanzhi lu sa tou tendisea.</p> <p>-Mutheo wa kupfeseselelwa kwa lushaka lwa manwalwa na tshirendo zwi hone.</p> <p>-Dziinwe tsumbo dza tshivhumbeo.</p> <p>-Phindulo i tahela nyelelo yo dzudzanyiwaho zwavhuḏi i re na ndunzhendunzhe.</p> <p>-Vhukhakhi vhuḏuku kha luambo, khalo na tshitaila.</p> <p>-Hunzhi zwo tea.</p>	<p>-Ndingedzo zwadzo dza u fhindula mbudziso.</p> <p>-Phindulo i tana u pfesesa hu songo yelaho kule na thoho.</p> <p>-Mihumbulo a i kholwisei nahone hu na u tikedza u bva tshirendoni huḏuku.</p> <p>-Mugudi ha ngo pfesesa lushaka lwa manwalwa na tshirendo itsho na kathihhi.</p> <p>-Phindulo i tana vhuḏulani ho khakheaho.</p> <p>-Mafhungo ha ngo tevhekana zwavhuḏi.</p> <p>-Hu na tsumbo dza vhuḏakhi ha luambo.</p> <p>-Khalo na tshitaila a zwi tei ndivho ya kuḏwalele kwa akademi.</p>	<p>-U sa pfesesa thoho.</p> <p>-Phindulo i na ndovhololo nahone tshifhinga i tshi amba zwo bvaho.</p> <p>-Muhumbulo a wo ngo ya kule, talutshedzo yo khakheaho/mihumbulo o a i tikedzwa u bva tshirendoni.</p> <p>-U pfesesa lushaka na tshirendo ha fhasisa.</p> <p>-Likumedzwa la fhasi nahone li tahelaho vhuḏulani, zwa mbo thithisa nyelelo ya mafhungo.</p> <p>-Vhukhakhi ha luambo na tshitaila tshi si tshone zwi ita uri tshipida tsha manwalwa hetshi tshi sa bvelele nahone tshitaila a tshi elani na ndivho ya u riwala ha akademi.</p>	<p>-Phindulo i na vhusakanyana na thoho fhedzi mafhungo ha tevhelele, kana o tou bva tshotho.</p> <p>-Ndingedzo ya fhasisa ya u fhindula mbudziso. Mbuno thukhu dzo riwalwaho a dzi na thikhedzo kha tshirendo.</p> <p>-U pfesesa lushaka na tshirendo ha fhasisa.</p> <p>-Zwi a kona u amba uri thoho yo fhindulwa.</p> <p>-A hu na tsumbo ya vhuḏulani.</p> <p>-Luambo lwa fhasisa.</p> <p>-Tshitaila na khalo zwo khakheaho.</p> <p>-A hu na ndunzhendunzhe.</p>
	8–10	7	6	5	4	3	0–2

## RUBRIKI YA U MAKA MBUDZISO NDAPFU KHA NGANEA NA DIRAMA: 25

Kha vha dzhie nzhle phambano i re kha kuavhele kwa maraga kha tshivhumbeo na zwi re ngomu

KHOUDU NA KUAVHELE KWA MARAGA		ZWI RE NGOMU (15) Utalutshedza thoho. Vhudzivha ha mihumbulo, u tikedza na u pfesesa tshibveledzwa.		TSHIVHUMBEO NA LUAMBO (10) Tshivhumbeo, nyelelo i re na ndunzhendunzhe na likumedzwa. Luambo, khalo na tshitaila zwo shumiswaho kha phindulo.
<b><i>Khoudu 7</i></b> <b>80–100%</b>	Vhuswikeleli ha nthesa  <b>Maraga: 12–15</b>	<ul style="list-style-type: none"> <li>• U talutshedza thoho lwa vhudzivha, zwipida zwothe zwo kwamiwa nga vhudalo.</li> <li>• Phindulo ya nthentesasa: 90%+.</li> <li>• Phindulo ya nthesa: 80 – 89%.</li> <li>• Mihumbulo minzhi ya vhudzivha i tikedzwa u bva kha tshibveledzwa.</li> <li>• U pfesesa ha nthesa ha lushaka lwa maniwalwa na tshibveledzwa.</li> </ul>	Vhuswikeleli ha nthesa <b>Maraga: 8–10</b>	<ul style="list-style-type: none"> <li>- Tshivhumbeo tshi re na ndunzhendunzhe.</li> <li>- Marangaphanda na magumo zwa nthesa.</li> <li>- Mihumbulo ya dzudzanywa zwavhudi nahone yo fhatwa zwavhudi.</li> <li>- Luambo, khalo na tshitaela zwo vhibvela, zwi a nyanyula nahone zwo lulama.</li> </ul>
<b><i>Khoudu 6</i></b> <b>70–79%</b>	Vhuswikeleli ha nthasa  <b>Maraga: 11</b>	<ul style="list-style-type: none"> <li>• U talutshedza thoho lwa nthasa ha ndinganyo, zwipida zwothe zwo kwamiwa lwo linganaho.</li> <li>• Phindulo yo dodombedzwaho.</li> <li>• Ho newa mihumbulo minzhi i pfalaho, i tikedzwaho u bva kha tshibveledzwa.</li> <li>• U pfesesa lushaka lwa maniwalwa na tshibveledzwa havhudi.</li> </ul>	Vhuswikeleli ha nthasa <b>Maraga: 7</b>	<ul style="list-style-type: none"> <li>- Phindulo yo dzudzanywa zwavhudi.</li> <li>- Marangaphanda na magumo zwavhudi.</li> <li>- Mihumbulo na kuhumbulele zwi a tevhelelea.</li> <li>- Luambo, khalo na tshitaila zwo lulama nahone zwo tea ndivho.</li> <li>- Likumedzwa lavhudi.</li> </ul>

<b><i>Khoudu 5</i></b> <b>60–69%</b>	Vhuswikeleli ho dziaho  <b>Maraga: 9 of 10</b>	<ul style="list-style-type: none"> <li>• U sumbedza u pfesesa nahone a talutshedza thoho zwavhudi.</li> <li>• Phindulo yo dodombedzwa lwa khwine.</li> <li>• Miñwe mihumbulo i pfalaho yo newa, fhedzi hu si yothhe nahone i sa tikedziwe nga ndila yo lavhelelwaho.</li> <li>• Hu na tsumbo ya u pfesesa lushaka lwa manwalwa na tshibveledzwa.</li> </ul>	Vhuswikeleli ho dziaho <b>Maraga: 6</b>	<ul style="list-style-type: none"> <li>- Tshivhumbeo tshi re khagala na nyelelo ya mihumbulo i re na ndunzhendunzhe.</li> <li>- Marangaphanda na magumo na dziñwe phara zwo dzudzanywa hu na ndunzhendunzhe.</li> <li>- Nyelelo ya mihumbulo i a kona u tevhelalea.</li> <li>- Luambo, khalo na tshitaila vhunzhi hazwo zwo lulama.</li> </ul>
<b><i>Khoudu 4</i></b> <b>50–59%</b>	Vhuswikeleli vhu fushaho  <b>Maraga: 8</b>	<ul style="list-style-type: none"> <li>• U talutshedza thoho lwa khwine, a si zwothe zwipida zwo kwamiwaho nga vhudalo.</li> <li>• Hu na dziñwe mbuno dzi tikedzaho thoho.</li> <li>• Mihumbulo minzhi yo tikedzwa fhedzi a hu na vhuñanzi vhu pfalaho/tendiseaho.</li> <li>• U pfesesa lushaka lwa manwalwa na tshibveledzwa lwa mutheo.</li> </ul>	Vhuswikeleli vhu fushaho <b>Maraga: 5</b>	<ul style="list-style-type: none"> <li>- Hu na dziñwe tsumbo dza tshivhumbeo.</li> <li>- Phindulo i tahela nyelelo yo dzudzanyiwaho zwavhudi i re na ndunzhendunzhe.</li> <li>- Vhukhaki vhuñuku ha luambo, khalo na tshitaila hunzhi zwo tea.</li> <li>-Kanzhi hu na ndunzhendunzhe kha dziphara.</li> </ul>
<b><i>Khoudu 3</i></b> <b>40–49%</b>	Vhuswikeleli ho linganelaho  <b>Maraga: 6 of 7</b>	<ul style="list-style-type: none"> <li>• Ndingedzo zwadzo dza u fhindula mbudziso.</li> <li>• Mbudziso yo fhindulwa hu na vhudzivha vhuñukusa.</li> <li>• Mihumbulo a i tuñuwedzi nahone hu na u tikedza huñuku zwi bvaho kha tshibveledzwa.</li> <li>• Mugudi ha ngo vhuya a pfesesa lushaka lwa manwalwa na tshibveledzwa.</li> </ul>	Vhuswikeleli ho linganelaho  <b>Maraga: 4</b>	<ul style="list-style-type: none"> <li>- Tshivhumbeo tshi sumbedza u shaea ha vhupulani.</li> <li>- Mafhungo ha ngo dzudzanywa lune a tevhelana.</li> <li>- Tsumbo dza vhukhaki ha luambo. Khalo na tshitaila a zwo ngo tea ndivho ya manwalwa a akademi. Phara dzo khakhea.</li> </ul>

<b><i>Khoutu 2</i></b> <b>30–39%</b>	Vhuswikeleli ha fhasi  <b>Maraga: 5</b>	<ul style="list-style-type: none"> <li>• U pfesesa t̃hoho ha fhasisa.</li> <li>• Phindulo yo dala ndovhololo nahone huñwe yo bva.</li> <li>• Mihumbulo a si ya vhudzivha, t̃halutshedzo yo khakheaho/Mihumbulo a i tikedzwi zwi tshi bva kha tshibveledzwa.</li> <li>• U pfesesa ha fhasi lushaka lwa mañwalwa na tshibveledzwa.</li> </ul>	Vhuswikeleli ha fhasi <b>Maraga: 3</b>	<ul style="list-style-type: none"> <li>- Likumedzwa la fhasi nahone li t̃ahelaho tshivhumbeo tsho pulaniwaho zwi thithisa nyelelo ya muhumbulo.</li> <li>- Luambo lwo khakheaho na tshitaila tshi si tshone zwi ita uri zwo ñwalwaho zwi si vhe zwa vhukuma nahone tshitaila a tsho ngo tea ndivho ya u ñwala ha akademi.</li> <li>- Phara dzo khakhea.</li> </ul>
<b><i>Khoutu 1</i></b> <b>0–29%</b>	U sa swikelela  <b>Maraga: 0–5</b>	<ul style="list-style-type: none"> <li>• Phindulo i sumbedza vhuñwe vhushaka na t̃hoho fhedzi mihumbulo i a konḁa u tevhelela nahone/kana yo bva tshoṱhe.</li> <li>• U kundelwa kha ndingedzo ya u fhindula mbudziso. Mbuno t̃hukhu dzo lulamaho a dzi na thikhedzo u bva kha tshibveledzwa.</li> <li>• U kundelwa u pfesesa lushaka lwa mañwalwa na tshibveledzwa.</li> </ul>	U sa swikelela <b>Maraga: 0–2</b>	<ul style="list-style-type: none"> <li>- Zwi a konḁa u amba arali mbudziso yo fhindulwa.</li> <li>- A hu na tsumbo ya tshivhumbeo tsho pulaniwaho hu na thevhekano.</li> <li>- Luambo lwa fhasi-fhasi. Tshitaila na khalo zwo khakheaho.</li> <li>- A hu na dziphara kana ndunzhendunzhe.</li> </ul>